

# 布施波羅蜜

釋開仁編 2022 年 3 月

## 目次

|                                     |    |
|-------------------------------------|----|
| 壹、布施的功德與果報.....                     | 2  |
| 一、為何要行布施？.....                      | 2  |
| 二、布施有何利益？果報？.....                   | 3  |
| 三、決定布施福德的因素有那些？.....                | 9  |
| 四、如何增長布施福德？.....                    | 11 |
| 貳、布施的種類與優劣.....                     | 14 |
| 一、布施之分類有那些？.....                    | 14 |
| 二、什麼是財施？法施？無畏施？.....                | 15 |
| 三、比較財施與法施之優劣。.....                  | 16 |
| 四、在家和出家行布施有何不同？.....                | 18 |
| 參、布施的層次與染淨.....                     | 19 |
| 一、何謂清淨施？何謂不淨施？.....                 | 19 |
| 二、何謂世間、出世間檀；聖人稱譽、不稱譽檀；佛菩薩、聲聞檀？..... | 20 |
| 三、如何於布施的同時兼斷煩惱？.....                | 22 |
| 肆、菩薩的布施波羅蜜.....                     | 23 |
| 一、菩薩布施時，應先施何人？.....                 | 23 |
| 二、何謂布施時「三輪體空」？.....                 | 27 |
| 三、行布施波羅蜜時，如何生六波羅蜜？.....             | 32 |

## 【語義解析】

布施 dāna（音譯：檀那、檀）

波羅蜜多 pāramitā【已到彼岸。波羅蜜=彼岸（pāram）。多=已到（itā）。】

1、最高、完成（parama：pārami+tā）

2、到彼岸（pāram+i+tā）

《翻梵語》卷 2(CBETA, T54, no. 2130, p. 993, a5-6)：

檀波羅密（應云檀那波羅密多。論曰：婆羅者，彼岸。密者，到也。譯曰檀那者，施亦云捨）。【不全：少多（tā）。】

《一切經音義》卷 21(CBETA, T54, no. 2128, p. 439, b18-19)：

檀波羅蜜（具云檀那波羅蜜多。檀那，此云施也。波羅蜜，云彼岸也。多，云到也。言施能到彼岸，後之五度波羅蜜多，皆準此釋之也）。【不全：多，itā 已到。】

## 壹、布施的功德與果報

### 一、為何要行布施？

《大智度論》卷 45〈大莊嚴品 15〉(CBETA, T25, no. 1509, p. 387, c20-p. 388, a2)：復次，一切諸佛說法時，檀波羅蜜為初門。如經中說：「佛常初為眾生說布施、說持戒、說生天，說五欲味，先說世間苦惱、道德利益，後為說四諦。」以是故，初說檀。

問曰：佛何以故說檀為初門？

答曰：攝眾生法，無過於檀；大小貴賤，乃至畜生，檀皆攝之；乃至怨家得施則為中人，中人得施則成親善。諸佛三十二相、八十隨形好，諸功德具足、所願如意，皆從布施得。如寶掌菩薩等七寶從手中出，給施眾生；亦能令眾生歡喜柔軟，可任得涅槃。如是等義，故檀波羅蜜為初。

《大智度論》卷 12〈序品 1〉(CBETA, T25, no. 1509, p. 153, a20-22)：

復次，一切智慧功德因緣，皆由布施。如千佛始發意時，種種財物布施諸佛，或以華香、或以衣服、或以楊枝布施而以發意。

《大智度論》卷 18〈序品 1〉(CBETA, T25, no. 1509, p. 194, a15-25)：

復次，觀真空人，先有無量布施、持戒、禪定，其心柔軟，諸結使薄，然後得真空；邪見中無此事，但欲以憶想分別，邪心取空。

譬如田舍人初不識鹽，見貴人以鹽著種種肉菜中而食，問言：「何以故爾？」語言：「此鹽能令諸物味美故。」此人便念此鹽能令諸物美，自味必多，便空抄鹽，滿口食之，鹹苦傷口，而問言：「汝何以言鹽能作美？」貴人言：「癡人！此當籌量多少，和之令美，云何純食鹽？」

無智人聞空解脫門，不行諸功德，但欲得空，是為邪見，斷諸善根。

《大智度論》卷 35〈習相應品 3〉(CBETA, T25, no. 1509, p. 321, c18-23)：

得佛道已，應度一切眾生、利益一切眾生，或大乘、或聲聞乘、或辟支佛乘；若不入三乘道，教修福德，受天上人中富樂；若不能修福，以今世利益之事——衣、食、臥具等；若復不得，當以慈悲心利益。是名「度一切眾生」。

《大智度論》卷 84〈三惠品 70〉(CBETA, T25, no. 1509, p. 649, a6-14)：

「道種智，是諸菩薩摩訶薩智。」道有四種：一者、人天中受福樂道，所謂種福德；并三乘道為四。

菩薩法，應引導眾生著大道中；若不任入大道者，著二乘中；若不任入涅槃者，著人天福樂中，作涅槃因緣。

世間福樂道，是十善、布施諸福德；三十七品是二乘道；三十七品及六波羅蜜是菩薩道。菩薩應了了知是諸道。菩薩以佛道自為、為人，以餘三道但為眾生是菩薩道種智。

《大智度論》卷 9〈序品 1〉(CBETA, T25, no. 1509, p. 125, c29-p. 126, a2)：  
一切世界皆有三種人：下、中、上。下人著現世樂；中人求後世樂；上人求道，有慈悲心，憐愍眾生。

## 二、布施有何利益？果報？

《大智度論》卷 11〈序品 1〉(CBETA, T25, no. 1509, p. 140, a23-c14)：

問曰：檀有何等利益故，菩薩住般若波羅蜜中，檀波羅蜜具足滿？

答曰：

### 一、布施有多種利益

#### 1、初說二十七種利益

檀有種種利益：

- (1) 檀為寶藏，常隨逐人；(2) 檀為破苦，能與人樂；
- (3) 檀為善御<sup>1</sup>，開示天道；
- (4) 檀為善府<sup>2</sup>，攝諸善人（施攝善人與為因緣故言攝）；
- (5) 檀為安隱，臨命終時心不怖畏；(6) 檀為慈相，能濟一切；
- (7) 檀為集樂，能破苦賊；(8) 檀為大將，能伏慳敵；
- (9) 檀為妙果，天人所愛；(10) 檀為淨道，賢聖所遊；
- (11) 檀為積善福德之門；(12) 檀為立事聚眾之緣；(13) 檀為善行愛<sup>3</sup>果之種；
- (14) 檀為福業善人之相；(15) 檀破貧窮、斷三惡道；
- (16) 檀能全<sup>4</sup>護<sup>5</sup>福樂之果；(17) 檀為涅槃之初緣；(18) 入善人聚中之要法；
- (19) 稱譽讚歎之淵府<sup>6</sup>；(20) 入眾無難之功德；(21) 心不悔恨之窟宅<sup>7</sup>；
- (22) 善法道行之根本；(23) 種種歡樂之林藪<sup>8</sup>；(24) 富貴安隱之福田；
- (25) 得道涅槃之津梁<sup>9</sup>；
- (26) 聖人大士智者之所行；(27) 餘人儉<sup>10</sup>德寡識之所效。

#### 2、次說布施為智者之所行

##### (1) 智者知財物無常及時布施修福，愚人慳貪聚財而財終沒失

復次，譬如失火之家，黠<sup>11</sup>慧之人，明識形勢，及火未至，急出財物；舍雖燒盡，財物悉在，更修室宅。

<sup>1</sup> 御：1.駕馭車馬。3.馭手，駕馭車馬的人。（《漢語大詞典》（三），p.1021）

<sup>2</sup> 府：1.古代國家收藏財貨或文書的地方。（《漢語大詞典》（三），p.1213）

<sup>3</sup> 愛=受【宋】【元】【明】。（大正 25，140d，n.11）

<sup>4</sup> 全=令【宮】。（大正 25，140d，n.12）

<sup>5</sup> 護=獲【宋】【元】【明】【宮】。（大正 25，140d，n.13）

<sup>6</sup> 淵府：指財物或文書等集聚的地方。（《漢語大詞典》（五），p.1485）

<sup>7</sup> 窟宅：4.居住，盤踞。（《漢語大詞典》（八），p.454）

<sup>8</sup> 林藪：1.山林與澤藪。3.比喻事物聚集的處所。（《漢語大詞典》（四），p.804）

<sup>9</sup> 津梁：1.橋梁。2.比喻能起橋梁作用的人或事物。（《漢語大詞典》（五），p.1191）

<sup>10</sup> 儉：3.薄，少。（《漢語大詞典》（一），p.1693）

<sup>11</sup> 黠（ㄊ一ㄩˇ）：1.聰慧，機敏。（《漢語大詞典》（十二），p.1363）

好施之人，亦復如是，知身危脆，財物無常，修福及時，如火中出物；後世受樂，亦如彼人更修宅業，福慶自慰。

愚惑之人，但知惜屋，忽忽營救，狂愚失智，不量火勢，猛風絕焰，土石為焦，翕響<sup>12</sup>之間，蕩然<sup>13</sup>夷滅<sup>14</sup>。屋既不救，財物亦盡，飢寒凍餓，憂苦畢世。

慳惜之人，亦復如是，不知身命無常，須臾叵保，而更聚斂守護愛惜，死至無期，忽焉逝沒，形與土木同流，財與委<sup>15</sup>物俱棄，亦如愚人憂苦失計。

### **(2) 大慧之人，知身如幻，財不可保，唯福可恃**

復次，大慧之人，有心之士，乃能覺悟，知身如幻，財不可保，萬物無常，唯福可恃<sup>16</sup>，將人出苦，津通<sup>17</sup>大道。<sup>18</sup>

### **(3) 大人大心，能大布施，能自利己**

復次，大人大心，能大布施，能自利己；小人小心，不能益他，亦不自厚。

### **(4) 智人慧心，深得悟理，能挫慳賊**

復次，譬如勇士見敵，必期吞滅；智人慧心，深得悟理，慳賊雖強，亦能挫之，必令如意。遇良福田，值好時節（時：應施之時也。遇而不施是名失時），覺事應心，能大布施。

## **二、布施能得世間樂及出世道果**

### **1、今世樂**

復次，好施之人，為人所敬，如月初出，無不愛者；好名善譽，周聞天下，人所歸仰，一切皆信。好施之人，貴人所念，賤人所敬；命欲終時，其心不怖。如是果報，今世所得，譬如樹華。

### **2、後世樂**

大果無量，後世福也。生死輪轉，往來五道，無親可恃，唯有布施。若生天上、人中，得清淨果，皆由布施；象、馬、畜生得好廄<sup>19</sup>養，亦是布施之所得也。

### **3、出世道果**

布施之德，富貴歡樂；持戒之人，得生天上；禪智心淨，無所染著，得涅槃道。<sup>20</sup>布施之福，是涅槃道之資糧也；念施故歡喜，歡喜故一心，一心觀生滅無常，觀生滅無常故得道。

<sup>12</sup> 翕（ㄒ一）響：1.倏忽，奄忽。（《漢語大詞典》（九），p.654）

<sup>13</sup> 蕩然：2.毀壞，消失。（《漢語大詞典》（九），p.558）

<sup>14</sup> 夷滅：2.湮滅，毀壞。（《漢語大詞典》（二），p.1500）

<sup>15</sup> 委（ㄨㄟˇ）：1.儲積，聚積。（《漢語大詞典》（四），p.322）

<sup>16</sup> 恃（ㄕㄟˋ）：1.依賴，憑藉。（《漢語大詞典》（七），p.511）

<sup>17</sup> 津通：指水無阻滯地流動。（《漢語大詞典》（五），p.1191）

<sup>18</sup> 參見《眾經撰雜譬喻》卷上（大正4，531b22-24）。

<sup>19</sup> 廄（ㄌㄞˋ）：2.馬槽。亦指關牲畜的地方。（《漢語大詞典》（四），p.1358）

<sup>20</sup> 施——富貴福樂

三果——戒——得生天上

禪智——得涅槃道

（印順法師，《大智度論筆記》〔A019〕p.35）

#### 4、今世後世樂如求樹蔭，二乘涅槃樂如華，成佛菩提樂如果<sup>21</sup>

如人求蔭故種樹，或求華，或求果故種樹；布施求報亦復如是，今世、後世樂如求蔭，聲聞、辟支佛道如華，成佛如果。

是為檀種種功德。

《大智度論》卷 11〈序品 1〉(CBETA, T25, no. 1509, p. 144, a12-c8)：

#### ※ 法施功德：一花、十果<sup>22</sup>

如說：阿輸伽王一日作八萬佛圖<sup>23</sup>，雖未見道，於佛法中少有信樂，日日請諸比丘入宮供養，日日次第留法師說法。

##### 一、一花：口有香氣

有一三藏年少法師，聰明端正，次應說法。在王邊坐，口有異香；王甚疑怪，謂為不端，欲以香氣動王宮人，語比丘言：「口中何等？開口看之！」

即為開口，了無所有；與水令漱，香氣如故。

王問：「大德！新有此香？舊有之耶？」

比丘答言：「如此久有，非適今也。」

又問：「有此久如？」

比丘以偈答言：「迦葉佛時，集此香法，如是久久，常若新出。」

王言：「大德！略說未解，為我廣演！」

答言：「王當一心，善聽我說：我昔於迦葉佛法中，作說法比丘，常在大眾之中，歡喜演說迦葉世尊無量功德、諸法實相、無量法門，慇懃讚歎，教誨一切。自是以來，常有妙香從口中出，世世不絕，恒如今日。」而說此偈：「草木諸華香，此香氣超絕，能悅一切心，世世常不滅。」

##### 二、十果

于時國王愧喜交集，白比丘言：「未曾有也！說法功德，大果乃爾！」

比丘言：「此名為華，未是果也。」

王言：「其果云何？願為演說！」

答言：「果，略說有十，王諦聽之！」即為說偈言：

(1) 大名聞 (2) 端政<sup>24</sup>，(3) 得樂及 (4) 恭敬，(5) 威光如日月<sup>25</sup>，(6) 為一切所愛，

(7) 辯才 (8) 有大智，(9) 能盡一切結，(10) 苦滅得涅槃——如是名為十。

王言：「大德！讚佛功德，云何而得如是果報？」

<sup>21</sup> 今世後世樂——如種樹求蔭  
布施之果— 聲聞、辟支道——如種樹求華  
佛道——如種樹求果 (印順法師，《大智度論筆記》〔A019〕p.35)

<sup>22</sup> 法施功德 一 華：口有香氣  
十果：1、大名聞，2、端正，3、得樂，4、恭敬，5、威光，  
6、眾所愛，7、辯才，8、大智，9、盡結，10、苦滅。  
(印順法師，《大智度論筆記》〔A024〕p.46)

<sup>23</sup> 佛圖：又作浮屠、浮圖，即佛塔。

<sup>24</sup> 政=正【宋】【元】【明】【宮】。(大正 25, 144d, n.7)

<sup>25</sup> 月=明【宋】【元】【明】【宮】。(大正 25, 144d, n.8)

爾時，比丘以偈答曰：

- (1) 讚佛諸功德，令一切普聞，以此果報故，而得大名譽。
- (2) 讚佛實功德，令一切歡喜，以此功德故，世世常端正。
- (3) 為人說罪福，令得安樂所，以此之功德，受樂常歡豫。
- (4) 讚佛功德力，令一切心伏，以此功德故，常獲恭敬報。
- (5) 顯現說法燈，照悟諸眾生，以此之功德，威光如日曜。
- (6) 種種讚佛德，能悅於一切，以此功德故，常為人所愛。
- (7) 巧言讚佛德，無量無窮已，以此功德故，辯才不可盡。
- (8) 讚佛諸妙法，一切無過者，以此功德故，大智慧清淨。
- (9) 讚佛功德時，令人煩惱薄，以此功德故，結盡諸垢滅。
- (10) 二種結盡故，涅槃身已證，譬如澍大雨，火盡無餘熱。

重告王言：「若有未悟，今是問時，當以智箭破汝疑軍。」

王白法師：「我心悅悟，無所疑也。大德福人，善能讚佛。」<sup>26</sup>

如是等種種因緣，說法度人，名為法施。

《大智度論》卷 32〈序品 1〉(CBETA, T25, no. 1509, p. 301, b20-302, a5)：

#### 一、施得大果報

##### (一) 以般若心施，無所著故得大報

復次，又如以般若波羅蜜心布施<sup>27</sup>，無所著故，得大果報。

##### (二) 為涅槃故、悲心度生故施亦得大報

復次，為涅槃故施，亦得大報；以大悲心為度一切眾生故布施，亦得大報。

##### (三) 大果報者：生剎利家乃至得佛

復次，大果報者，如是中說：生剎利家乃至得佛者是。

#### 二、施生人中大家、欲天、上界、三乘行因之相 (印順法師，《大智度論筆記》[A033] p.062)

問曰：云何布施得生剎利家乃至得佛？

答曰：

##### (一) 第一說

###### 1、生欲界人、天中

若有人布施及持戒故，得人天中富貴。

###### (1) 生人中勝果

如有人至心布施、持戒故，生剎利家——剎利者，王及大臣。

若著於智慧經書而不惱眾生，布施、持戒故，生婆羅門家。

若布施、持戒減少，而樂著世樂，生居士大家——居士者，小人而巨富。

###### (2) 生六欲天

<sup>26</sup> 《大莊嚴論經》第 55 經 (大正 4, 309c-310b)，《阿育王傳》卷 7 (大正 50, 128b-c)，《眾經撰雜譬喻》第 41 經 (大正 4, 541c-542a)。

<sup>27</sup> 《大智度論疏》卷 14：「復次，又如以般若波羅蜜心布施已下，有三復次，總結前施得大果報義也。」(卍新續藏 46, 832c7-8)

### **A、行布施、持戒等，生六欲天**

- (A) 若布施、持戒，清淨小勝，厭患家業，好樂聽法，供養善人，生四天王處。所以者何？在彼有所須欲，心生皆得；常見此間賢聖善人，心生供養，以近修福處故。
- (B) 若布施、持戒清淨，供養父母及其所尊，心欲求勝，生三十三天。
- (C) 若布施、持戒清淨，而好學問，其心柔和，生夜摩天。
- (D) 若布施、持戒清淨，令二事轉勝，好樂多聞，分別好醜，愛樂涅槃，心著功德，生兜率天。
- (E) 若布施、深心持戒、多聞、好樂學問，自力生活，生化樂天。
- (F) 若布施時，清淨持戒轉深，好樂多聞，自貴情<sup>28</sup>多，不能自苦，從他求樂，生他化自在天。他所思惟，慙心方便，化作女色五欲，奪而自在。譬如庶民，苦身自業，強力奪之。<sup>29</sup>

### **B、布施時，以願因緣故生天**

復次，布施時，以願因緣故生天上。

如《經》說：「有人少行布施、持戒，不知禪定，是人聞有四天王天，心常志願。佛言：『是人命終生四天上，必有是處；乃至他化自在天亦如是。』」<sup>30</sup>

### **2、生色、無色界天**

復次，有人布施、持戒，修布施時，其心得樂，若施多，樂亦多；如是思惟，捨五欲，除五蓋，入初禪，乃至非有想非無想天如<sup>31</sup>是。

四禪、四無色定義，如上說。<sup>32</sup>

### **3、得四果乃至佛道**

復次，有人布施佛及佛弟子，從其聞說道法；是人因此布施故，心得柔軟，智慧明利，即生八聖道分，斷三結，得須陀洹果；乃至佛道亦如是，因是布施聞其說法，便發阿耨多羅三藐三菩提心。

### **(二) 第二說**

復次，未離欲布施，生人中富貴，及六欲天中。

若離欲心布施，生梵世天上乃至廣果天。

若離色心布施，生無色天中。

離三界布施為涅槃故，得聲聞道。

布施時惡厭憤鬧，好樂閑靜，喜深智慧，得辟支佛。

布施時起大悲心，欲度一切，為第一甚深畢竟清淨智慧，得成佛道。

<sup>28</sup> 情：2.指心情。6.意願，欲望。12.情況。（《漢語大詞典》（七），p.576）

<sup>29</sup> 《大智度論》卷9：「問曰；何以名他化自在？答曰：此天奪他所化而自娛樂，故言他化自在；化自樂者，自化五塵而自娛樂，故言化自樂。」（大正25，123a7-10）

<sup>30</sup> 參見《雜阿含1042經》卷37（大正2，272c29-273a12），《中部42經》，《增支部》8.35。又《大智度論》於卷7也曾引此經明「願為前導」之理（大正25，108b13-c1）。

<sup>31</sup> （亦）+如【宋】【元】【明】【宮】。（大正25，301d，n.18）

<sup>32</sup> 四禪：《大智度論》卷20（大正25，208a2-c7）；四無色：卷20（大正25，211c28-213b26）。

《大智度論》卷 12〈序品 1〉(CBETA, T25, no. 1509, p. 152, c11-153, a18)：

**※ 知行施不同，得果各異，因果歷然**

復次，菩薩布施時，能分別知：

**一、布施生畜生道**

不持戒人，若鞭打拷掠閉繫，枉法得財而作布施，**生象、馬、牛中**，雖受畜生形，負重鞭策，羈<sup>33</sup>鞅<sup>34</sup>乘騎，而常得好屋好食，為人所重，以人供給。

又知惡人多懷瞋恚，心曲不端而行布施，當**墮龍中**，得七寶宮殿，妙食好色。

又知憍人多慢、瞋心布施，**墮金翅鳥中**，常得自在。有如意寶珠以為瓔珞，種種所須，皆得自恣，無不如意，變化萬端，無事不辦。

**二、布施生鬼神道**

又知宰官之人，枉濫<sup>35</sup>人民，不順治法而取財物，以用布施，**墮鬼神中**，作鳩槃荼鬼<sup>36</sup>，能種種變化，五塵自娛。

又知多瞋恨<sup>37</sup>戾、嗜好酒肉之人而行布施，**墮地夜叉鬼中**，常得種種歡樂、音樂、飲食。

又知有人剛愎強梁<sup>38</sup>而能布施，車馬代步，**墮虛空夜叉中**而有大力，所至如風。

又知有人妬心好諍，而能以好房舍、臥具、衣服、飲食布施，故**生宮觀飛行夜叉中**，有種種娛樂便<sup>39</sup>身之物。

如是種種，當布施時能分別知，是為菩薩布施生般若。

**三、布施生人中得安樂**

復次，布施飲食，得力、色、命、樂、瞻<sup>40</sup>。<sup>41</sup>

<sup>33</sup> 羈=羈【宋】【元】【明】【宮】。(大正 25, 152d, n.16)

羈(ㄎㄟ)：同“羈”。1.馬絡頭。(《漢語大詞典》(八)，p.1054)

<sup>34</sup> 鞅(ㄅㄛ)：駕車時套在牲口後股的皮帶。(《漢語大詞典》(十二)，p.191)

鞅：《玉篇》：同絆。(《康熙字典》，p.1386 (同文書局版))

絆(ㄅㄛ)：1.拴縛馬足的繩索；拴縛。(《漢語大詞典》(九)，p.797)

<sup>35</sup> 枉濫：1.枉法恣肆。2.調枉錯淫濫，使無辜受害。(《漢語大詞典》(四)，p.797)

<sup>36</sup> 參見《長部》II, p.257, III, p.198。另見法藏述《華嚴經探玄記》卷 2：「鳩槃荼，依《正法華經》名厭媚鬼，噉人精氣等；亦名冬瓜鬼，王名毘樓勒，此云增長，主是南方。天王領二部鬼：一名鳩槃荼，二名薜荔多，從所領為名。」(大正 35, 135b27-c2)

<sup>37</sup> 恨=狠【明】。(大正 25, 152d, n.23)。

恨戾：凶狠而乖張。(《漢語大詞典》(一)，p.1357)

<sup>38</sup> 強梁：5.調剛愎自用。(《漢語大詞典》(四)，p.142)

<sup>39</sup> 便：6.適合，適宜。(《漢語大詞典》(一)，p.1360)

<sup>40</sup> (1)《高麗藏》(第 14 冊，501c21)及《大正藏》皆作「瞻」，印順法師，《大智度論》(標點本)，p.485 作「瞻」。

(2)瞻(ㄉㄨ)：1.看，望。2.尊仰，敬視。(《漢語大詞典》(七)，p.1262)

(3)瞻(ㄉㄨ)：2.富足。3.足夠。4.指文章內容富麗或作者知識廣博、感情豐富。7.通“澹”。安定。(《漢語大詞典》(十)，p.302)

<sup>41</sup> (1)《佛說食施獲五福報經》(大正 2, 854c9-11)：「有五福德令人得道，智者消息意度弘廓，則獲五福。何等為五：一曰、施命，二曰、施色，三曰、施力，四曰、施安，五曰、施



若布施衣服，得生知慚愧，威德端正，身心安樂。  
若施房舍，則得種種七寶宮觀，自然而有，五欲自娛。  
若施井池泉水種種好漿，所生則得無飢、無渴，五欲備有。  
若施橋船及諸履屣<sup>42</sup>，生有種種車馬具足。  
若施園林，則得豪尊，為一切依止，受身端政，心樂無憂。  
如是等種種人中，因緣布施所得。

#### **四、布施生六欲天**

若人布施修作福德，不好有為作業生活，則得生四天王處；  
若人布施，加以供養父母，及諸伯叔兄弟姊妹，無瞋無恨，不好諍訟，又不喜見諍訟之人，得生忉利天上、焰摩、兜術<sup>43</sup>、化自在、他化自在。  
如是種種分別布施，是為菩薩布施生般若。

#### **五、阿羅漢、辟支佛、菩薩三乘布施**

若人布施，心不染著，厭患世間，求涅槃樂，是為阿羅漢、辟支佛布施。  
若人布施為佛道，為眾生故，是為菩薩布施。  
如是等種種布施中分別知，是為布施生般若波羅蜜。

### 三、決定布施福德的因素有那些？

《大智度論》卷 11〈序品 1〉(CBETA, T25, no. 1509, p. 140, c16-21)：

問曰：云何名檀？

答曰：

#### **(一) 布施心相應善思（意業）**

檀名布施。心相應善思，是名為檀。

#### **(二) 從善思起身口業亦是（通三業）**

有人言：從善思起身、口業，亦名為檀。

#### **(三) 有信、有福田、有財物，三事和合，心生捨法，能破慳**

有人言：有信、有福田、有財物，三事和合時，心生捨法，能破慳貪，是名為檀。譬如慈法，觀眾生樂而心生慈；布施心數法，亦復如是，三事和合，心生捨法，能破慳貪。

《大智度論》卷 11〈序品 1〉(CBETA, T25, no. 1509, p. 143, c19-p. 144, a12)：

問曰：云何名法布施？

答曰：

辯。」

(2) 《大智度論》卷 3〈1 序品〉(大正 25, 82b3-4)：「如佛語：檀越施食時，與五事：命、色、力、樂、睡\*。」※睡=辯【宮】。(大正 25, 82d, n.23)

(3) 辯：1、辭或文辭華美、巧妙。2、指華美巧妙的言辭或文辭。(《漢語大詞典》(十一)，p.509)

<sup>42</sup> 屣(ㄊ一ㄨˇ)：1.鞋。(《漢語大詞典》(四)，p.54)

<sup>43</sup> 術=率【宋】【元】【明】。(大正 25, 153d, n.4)

**(一) 常以好語有所利益**

有人言：常以好語，有所利益，是為法施。

**(二) 以佛語妙法為人說**

復次，有人言：以諸佛語妙善之法，為人演說，是為法施。

**(三) 以三藏法教人**

復次，有人言：以三種法教人：一、修妬路，二、毘尼，三、阿毘曇，是為法施。

**(四) 以四藏法教人**

復次，有人言：以四種法藏教人：一、修妬路藏，二、毘尼藏，三、阿毘曇藏，四、雜藏<sup>44</sup>，是為法施。

**(五) 以大小乘法教人**

復次，有人言：略說以二種法教人：一、聲聞法，二、摩訶衍法，是為法施。

問曰：如提婆達、呵多等，亦以三藏、四藏、聲聞法、摩訶衍法教人，而身入地獄，是事云何？

答曰：提婆達邪見罪多，呵多妄語罪多<sup>45</sup>，非是為道清淨法施，但求名利恭敬供養。惡心罪故，提婆達生入地獄，呵多死墮惡道。

**(六) 淨心善思以教一切<sup>46</sup>**

復次，非但言說名為法施，常以淨心善思<sup>47</sup>以教一切，是名法施。譬如財施，不以善心，不名福德；法施亦爾，不以淨心善思，則非法施。

**(七) 淨心善思，讚三寶，示罪福，示四諦，化令人佛道，是真淨法施**

復次，說法者，能以淨心善思，讚歎三寶，開罪福門，示四真諦，教化眾生，令人佛道，是為真淨法施。

<sup>44</sup> 《分別功德論》卷1：「所謂雜藏者，非一人說，或佛所說，或弟子說，或諸天讚誦，或說宿緣三阿僧祇菩薩所生，文義非一，多於三藏，故曰雜藏也。」(大正 25, 32b6-8)

參見印順法師，《原始佛教聖典之集成》，pp.467-475、pp.793-810；《永光集》，pp.70-80。

<sup>45</sup> 《翻梵語》卷6：「呵多(譯曰破，亦云害，亦云不勝)。」(大正 54, 1019a7)

《十誦律》卷20：「又如訶多比丘無慚、無愧、破戒，有見聞疑罪，是人自言我有是罪，後言我無是罪。」(大正 23, 142c18-20)

《善見律毘婆沙》卷15：「妄語戒中訶多者，此是大德名也。釋種出家有八萬人，訶多亦在其中，性好談論。與外道論義時，自知理屈，便違反前語；若外道好語時，便迴為己語。自知理僻，言是外道語。若剋時與外道論議，語外道言：『中後當論議。』自中前來，語諸檀越言：『即時論議。』自上高座，語諸檀越言：『外道那得不來，必當畏我，是故不來。』自下高座而去。中後外道來，覓比丘不得，便呵責言：『沙門釋子言知正法，云何故妄語！妄語者，口與心相違，亦名空語也。』(大正 24, 779a25-b6)

<sup>46</sup> 法施不但說法 一、為道清淨故施。

二、淨心善思以教一切。

三、淨心善思，讚三寶，示罪福，示四諦，化令人佛道，是真淨法施。

(印順法師，《大智度論筆記》[A024] p.46)

<sup>47</sup> 思=心【宋】【元】【明】【宮】。(大正 25, 144d, n.2)



**（一）得時施**

復次，施得時故，報亦增多。如佛說：「施遠行人，遠來人，病人，看病人，風寒眾難時施，是為時施。」

**（二）隨所須施**

復次，布施時隨土地所須施故，得報增多。

**（三）曠路中施**

復次，曠路中施故，得福增多；

**（四）常施不廢**

常施不廢故，得報增多；

**（五）如求者意施**

如求者所欲施故，得福增多；

**（六）施物重故**

施物重故，得福增多，如以精舍、園林、浴池等；

**（七）施善人故**

若施善人故，得報增多；

**（八）施僧故**

若施僧故，得報增多；

**（九）施者、受者俱有德故**

若施者、受者俱有德故（丹注云：如菩薩及佛慈心布施，是為施者；若施佛及菩薩、阿羅漢、辟支佛是為受者故），得報增多；

**（十）將迎恭敬受者施**

種種將迎<sup>52</sup>恭敬受者故，得福增多；

**（十一）難得物施**

難得物施故，得福增多；

**（十二）所有盡布施故**

隨所有物盡能布施故，得福增多。

譬如大月氏弗迦羅城中，有一畫師，名千那。<sup>53</sup>到東方多剎<sup>54</sup>陀羅國，客<sup>55</sup>畫十二年，得三十兩金，持還本國。於弗迦羅城中，聞打鼓作大會聲，往見眾僧，信心清淨，即問維那<sup>56</sup>：「此眾中幾許物得作一日食？」

---

（印順法師，《大智度論筆記》〔A019〕p.36）

施福增多，參見《中阿含經》卷2（第7經）《世間福經》（大正1，427c-428a），《增壹阿含經》卷35〈40七日品〉（7經）（大正2，741c）。

<sup>52</sup> 將迎：1.送往迎來，2.迎接。（《漢語大詞典》（七），p.808）

<sup>53</sup> 參見《大莊嚴論經》卷4（21經）（大正4，279a-280a），《雜寶藏經》卷4（42經）（大正4，468a-b），《經律異相》卷44（大正53，228c）。

案：畫師名字在《大智度論》作千那，《大莊嚴論經》作羯那，《雜寶藏經》作闍那。

<sup>54</sup> 剎=利【宋】【元】【明】【宮】。（大正25，141d，n.24）

<sup>55</sup> 客：11.旅居，寄居。（《漢語大詞典》（三），p.1440）

<sup>56</sup> 《翻梵語》卷3：「維那（應云毘訶羅波羅，譯曰毘訶邏者，寺；波羅者，護也。）〔《大智度論》〕卷11」（大正54，1003b10）

維那答曰：「三十兩金足得一日食。」

即以所有三十兩金付維那，「為我作一日食，我明日當來。」

空手而歸，其婦問曰：「十二年作得何等物？」答言：「我得三十兩金。」

即問：「三十兩金今在何所？」答言：「已在福田中種。」

婦言：「何等福田？」答言：「施與眾僧。」

婦便縛其夫送官治罪，斷事大官問：「以何事故？」

婦言：「我夫狂癡，十二年客作得三十兩金，不憐愍婦兒，盡以與他人；依如官制，輒<sup>57</sup>縛送來。」

大官問其夫：「汝何以不供給婦兒，乃以與他？」

答言：「我先世不行功德，今世貧窮，受諸辛苦；今世遭遇福田，若不種福，後世復貧，貧貧相續，無得脫時。我今欲頓捨貧窮，以是故，盡以金施眾僧。」

大官是優婆塞，信佛清淨，聞是語已，讚言：「是為甚難！懃苦得此少物，盡以施僧，汝是善人！」即脫身瓔珞及所乘馬，并一聚落，以施貧人，而語之言：「汝始施眾僧，眾僧未食，是為穀子未種，牙<sup>58</sup>已得生，大果方在後身<sup>59</sup>！」

以是故言「難得之物盡用布施其福最多」。

《大智度論》卷 30〈序品 1〉(CBETA, T25, no. 1509, p. 277, a10-b8)：

問曰：菩薩遇得便以供養，何以隨意求索？

答曰：

### 1、福德從心，持所重供養，得福增多

福德從心，於所愛重，持用供養，得福增多。如阿育王小兒時，以所重土，持用奉佛；得閻浮提王，一日之中起八萬塔。若大人雖以多土投鉢而無所得，非所重故。

有人偏貴重華，以其所貴，持供養佛，得福增多；乃至寶物亦如是。

### 2、隨時所宜、隨土地所宜、隨受者所須供養

復次，隨時所宜，若寒時，應以薪火、上衣、溫室、被褥，及以飲食；熱時，應以冰水、扇蓋、涼室、生薄之服，上妙之食；風雨之時，就送供具<sup>60</sup>——如是等隨時供養。

又隨土地所宜、隨受者所須，皆持供養。

### 3、隨意供養

#### (1) 為引導眾生故作供養

復次，隨意供養者，有菩薩知佛無所須，又知諸物虛誑如幻，一相所謂無相；為教化眾生故，隨眾生國土所重，引導故供養。

#### (2) 大菩薩財法供養

##### A、財供養

復有菩薩得甚深禪定，生菩薩神通，以神通力故，飛到十方佛前，或於佛國，若須遍

<sup>57</sup> 輒(ㄉㄛˇ)：7.副詞。立即，就。(《漢語大詞典》(九)，p.1252)

<sup>58</sup> 牙=芽【宋】【元】【明】【宮】。(大正 25, 142d, n.2)

<sup>59</sup> 身=耳【宋】【元】【明】【宮】。(大正 25, 142d, n.3)

<sup>60</sup> 供具：4.指供佛的香花、飲食、幡蓋等物。(《漢語大詞典》(一)，p.1321)

兩天華，即滿三千世界持**供養佛**；或兩天栴檀；或雨真珠，光明鮮發<sup>61</sup>；或雨七寶；或雨如意珠，大如須彌；或雨妓樂，音聲清妙；或以身如須彌以為燈炷，供養諸佛——如是等名為財供養。

### **B、法供養**

又菩薩行六波羅蜜，以法供養諸佛。

或有菩薩行一地法供養諸佛，乃至十地行法供養。

或時菩薩得無生法忍，自除煩惱及眾生煩惱，是法供養。

或時菩薩住於十地，以神力故，令地獄火滅；於餓鬼道，皆得飽滿；令畜生得離恐怖，令生人天；漸住阿惟越<sup>62</sup>致地——如是等大功德力故，名為法供養。

《大智度論》卷 33〈序品 1〉(CBETA, T25, no. 1509, p. 304, c13-21)：

問曰：此布施福云何增長？

答曰：應時施故，得福增長。<sup>63</sup>如《經》說：飢餓時施，得福增多；或遠行來時，若曠路險道中施，若常施不斷，或時常念施，故施福增廣；如六念中「念捨」說。<sup>64</sup>

若大施故得福多，若施好人，若施佛，若施者、受者清淨故，若決定心施，若自以力致財施，若隨所有多少能盡施，若交以物施<sup>65</sup>，若以園田、使人<sup>66</sup>等施。

## **貳、布施的種類與優劣**

### **一、布施之分類有那些？**

《大智度論》卷 14〈序品 1〉(CBETA, T25, no. 1509, p. 162, b19-20)：

檀有三種：一者、財施，二者、法施，三者、無畏施。

《大智度論》卷 12〈序品 1〉(CBETA, T25, no. 1509, p. 146, c27-p. 147, a6)：

復次，檀有三種：一者、物施，二者、供養恭敬施，三者、法施。

云何物施？珍寶、衣、食、頭、目、髓、腦——如是等一切內、外所有，盡以布施，是名物施。

恭敬施者，信心清淨，恭敬禮拜，將送迎逆，讚遶供養——如是等種種，名為恭敬施。

法施者，為道德故，語言論議，誦讀講說，除疑問答，授人五戒——如是等種種，為佛道故施，是名法施。

是三種施滿，是名檀波羅蜜滿。

<sup>61</sup> 鮮發：鮮麗煥發。(《漢語大詞典》(十二)，p.1228)

<sup>62</sup> 惟越＝鞞跋【明】。(大正 25，277d，n.11)

<sup>63</sup> 參見《大智度論》卷 11 (大正 25，141c7-18)。

<sup>64</sup> 參見《大智度論》卷 22 (大正 25，226b29-227a19)。

<sup>65</sup> 交：18.指病愈。(《漢語大詞典》(二)，p.327)

交以物施：施物讓病人的病痊癒。

<sup>66</sup> 使人：傭人，奴僕。(《漢語大詞典》(一)，p.1326)

《大智度論》卷 11〈序品 1〉(CBETA, T25, no. 1509, p. 145, a1-5)：

問曰：四種捨，名為檀。所謂財捨、法捨、無畏捨、煩惱捨。此中何以不說二種捨？

答曰：無畏捨，與尸羅無別，故不說。有般若故，不說煩惱捨。若不說六波羅蜜，則應具說四捨。

《大智度論》卷 33〈序品 1〉(CBETA, T25, no. 1509, p. 305, c2-3)：

布施者，總攝一切施：財施、法施，俗施、道施；

《大智度論》卷 12〈序品 1〉(CBETA, T25, no. 1509, p. 145, b5-9)：

復次，檀有二種：一者魔檀，二者佛檀。

若為結使賊所奪，憂惱怖畏，是為魔檀，名曰此岸。

若有清淨布施，無結使賊，無所怖畏，得至佛道，是為佛檀，名曰到彼岸，是為波羅蜜。

## 二、什麼是財施？法施？無畏施？

《大智度論》卷 81〈六度相攝品 68〉(CBETA, T25, no. 1509, p. 632, a6-7)：

菩薩常行三種施未曾捨廢：財施、法施、無畏施，是名檀波羅蜜。

《大智度論》卷 14〈序品 1〉(CBETA, T25, no. 1509, p. 162, b18-25)：

云何持戒能生於檀？

檀有三種：一者、財施，二者、法施，三者、無畏施。

持戒自檢，不侵一切眾生財物，是名財施。眾生見者，慕其所行，又為說法，令其開悟。

又自思惟：我當堅持淨戒，與一切眾生作供養福田，令諸眾生得無量福。如是種種，名為法施。一切眾生皆畏於死，持戒不害，是則無畏施。

《大智度論》卷 58〈阿難稱譽品 36〉(CBETA, T25, no. 1509, p. 472, c9-20)：

### ※ 得無量五分法身

#### 〔1〕 詳明戒眾

「戒眾」者，是菩薩行般若波羅蜜，於一切眾生中修畢竟無畏施。

眾生十方中數無量無邊，三世中<sup>67</sup>數亦無量無邊，六道、四生種類各各相亦無量無邊；於此無量無邊眾生中，施第一所愛樂物，所謂壽命，是故得無量戒眾果報。

如是不殺等戒，但說名字，則二百五十<sup>68</sup>。

毘尼中，略說則八萬四千，廣說則無量無邊。

是戒，凡夫人或一日受，或一世，或<sup>69</sup>百千萬世；菩薩世世於一切眾生中施無畏，乃至入無餘涅槃，是名「無量戒眾」。<sup>70</sup>

<sup>67</sup> 〔中〕－【聖】。(大正 25, 472d, n.25)

<sup>68</sup> 毘尼：二百五十。(印順法師，《大智度論筆記》〔H010〕p.397)

<sup>69</sup> 〔或〕－【聖】。(大正 25, 472d, n.26)

<sup>70</sup> 戒：戒相多少。受戒不同。(印順法師，《大智度論筆記》〔E011〕p.306)

## (2) 例餘

乃至解脫知<sup>71</sup>見眾，亦如是隨義分別。

《大智度論》卷 88〈四攝品 78〉(CBETA, T25, no. 1509, p. 679, b19-c22)：

【經】云何菩薩以布施攝取眾生？須菩提！菩薩以二種施攝取眾生：財施、法施。

### 1、財施

#### (1) 外財施與內財施

何等財施攝取眾生？須菩提！菩薩摩訶薩以金、銀、琉璃、頗梨、真珠、珂貝、珊瑚等諸寶物，或以飲食、衣服、臥具、房舍、燈燭、華、香、瓔珞，若男、若女，若牛、羊、象、馬、車乘，若以己身，給施眾生；語眾生言：『汝等若有所須，各來取之，如取己物，莫得疑難！』

#### (2) 財施已，行法施

是菩薩施已，教三歸依：歸依佛、歸依法、歸依僧；或教受五戒，或教一日戒；或教初禪乃至教非有想非無想定，或教慈、悲、喜、捨，或教念佛、念法、念僧、念戒、念捨、念天，或教不淨觀，或教安那般那觀，或相、或觸；

或教四念處、四正勤、四如意足、五根、五力、七覺分、八聖道分，空三昧，無相、無作三昧，八背捨、九次第定，佛十力、四無所畏、四無礙智、十八不共法、大慈大悲、三十二相、八十隨形好；

或教須陀洹果、斯陀含果、阿那含果、阿羅漢果，或教辟支佛道，或教阿耨多羅三藐三菩提。

如是，須菩提！菩薩摩訶薩行般若波羅蜜，以方便力教眾生，財施已，後教令得無上安隱涅槃。須菩提！是名菩薩摩訶薩希有難及法。

### 2、法施

須菩提！菩薩云何以法施攝取眾生？須菩提！法施有二種：一者、世間，二者、出世間。

#### (1) 世間法施

何等為世間法施？敷演、顯示世間法，所謂不淨觀、安那般那念、四禪、四無量心、四無色定。如是等世間法，及諸餘共凡夫所行法，是名世間法施。

#### (2) 出世法施

是菩薩如是世間法施已，以種種因緣教化，令遠離世間法；遠離世間法已，以方便力，令得聖無漏法及聖無漏法果。何等是聖無漏法？何等是聖無漏法果？

聖無漏法者，三十七助道法、三解脫門。

聖無漏法果者，須陀洹果乃至阿羅漢果，辟支佛道，阿耨多羅三藐三菩提。

### 三、比較財施與法施之優劣。

《大智度論》卷 11〈序品 1〉(CBETA, T25, no. 1509, p. 144, c8-p. 145, a1)：

<sup>71</sup> 知=如【聖】。(大正 25, 472d, n.27)



## 一、財施與法施之勝劣<sup>72</sup>

問曰：財施、法施，何者為勝？

答曰：如佛所言：「二施之中，法施為勝。」<sup>73</sup>所以者何？

### (一) 財施、法施之比較

#### 1、報在欲界、報在三界或出三界

財施果報，在欲界中；

法施果報，或在三界，或出三界。

復次，口說清淨，深得理中，心亦得之，故出三界。

#### 2、有量、無量

復次，財施有量，法施無量。

#### 3、有盡、無盡

財施有盡，法施無盡；譬如以薪益火，其明轉多。

#### 4、淨少垢多（報）、垢少淨多（報）

復次，財施之報，淨少垢多；法施之報，垢少淨多。

#### 5、待眾力、不待他心

復次，若作大施，必待眾力；法施出心，不待他也<sup>74</sup>。

#### 6、增長四大諸根、具足無漏根力等

復次，財施能令四大諸根增長；法施能令無漏根、力、覺、道具足。

#### 7、有佛無佛常有、唯在佛世

復次，財施之法，有佛無佛，世間常有；如法施者，唯有佛世乃當有耳。

### (二) 直顯法施之勝

#### 1、辟支佛尚不能

是故當知法施甚難！云何為難？乃至有相辟支佛不能說法，直行乞食，飛騰變化而以度人。

#### 2、法施中出生財施及三乘

復次，從法施中能出生財施，及諸聲聞、辟支佛、菩薩及佛。

#### 3、法施能分別一切法相

復次，法施能分別諸法：有漏、無漏法，色法、無色法，有為、無為法，善、不善、無記法，常法、無常法，有法、無法。一切諸法實相清淨，不可破不可壞。

<sup>72</sup> 二施勝劣 一 比較 一 財施：1.報在欲界，2.有量，3.有盡，4.淨少垢多（報），5.待眾力，6.增長四大諸根，7.有佛無佛常有。  
| | 法施：1.報三界或出，2.無量，3.無盡，4.垢少淨多（報），5.不待他心，6.具足無漏根力等，7.唯在佛世。  
└ 直顯法施之勝：1.辟支尚且不能，2.法施出生財施及三乘，3.法施能分別一切法相。

（印順法師，《大智度論筆記》〔A024〕p.46）

<sup>73</sup> 《增壹阿含經》卷7〈五戒品〉（3經）（大正2，577b15-17）。

<sup>74</sup> 也=心【宋】【元】【明】【宮】。（大正25，144d，n.13）

如是等法，略說則八萬四千法藏，廣說則無量。

如是等種種，皆從法施分別了知。以是故，法施為勝。

### 三、財施、法施和合，名為布施行

是二施和合，名之為檀行。

是二施願求作佛，則能令人得至佛道，何況其餘！

《大智度論》卷 88〈四攝品 78〉(CBETA, T25, no. 1509, p. 682, c2-11)：

問曰：若爾者，何以略說財施而廣說法施？

答曰：財施少，法施廣故。所以者何？財施，有量果報；法施，無量果報。財施，欲界繫果報；法施，亦三界繫果報，亦是出三界果報。財施，能與三界富樂；法施，能與涅槃常樂。又財施從法施生，聞法則能施故。

復次，財施果報，但富樂，無種種；法施亦有富樂，亦有餘事，乃至佛道涅槃果報。

以是等因緣故，廣說法施。二施義，如經中佛自廣說。

《大智度論》卷 22〈序品 1〉(CBETA, T25, no. 1509, p. 227, a19-b1)：

云何念法施？

行者作是念：「法施利益甚大！法施因緣故，一切佛弟子等得道。」

復次，佛說：「二種施中，法施為第一。」何以故？財施果報有量，法施果報無量。財施欲界報；法施三界報，亦出三界報。若不求名聞、財利、力勢，但為學佛道，弘大慈悲，度眾生老、病、死苦，是名清淨法施。若不爾者，為如市易法。

復次，財施施多，財物減少；法施施多，法更增益。

財施是無量世中舊法，法施聖法初來未得，名為新法。

財施但能救諸飢渴、寒熱等病，法施能除九十八諸煩惱等病。

如是等種種因緣分別財施、法施，行者應念法施。

### 四、在家和出家行布施有何不同？

《大智度論》卷 29〈序品 1〉(CBETA, T25, no. 1509, p. 271, a28-b16)：

復次，菩薩有二種：一者、敗壞菩薩，二者、成就菩薩。<sup>75</sup>

#### 一、敗壞菩薩<sup>76</sup>

敗壞菩薩<sup>77</sup>者，本發阿耨多羅三藐三菩提心，不遇善緣，五蓋覆心，行雜行，轉身受大富貴，或作國王，或大鬼神王、龍王等。以本造身、口、意惡業不清淨故，不得生諸佛前，及天上、人中無罪處，是名為敗壞菩薩。如是人雖失菩薩心，先世因緣故，猶好布

<sup>75</sup> 「敗壞菩薩

二種菩薩」成就菩薩 (印順法師，《大智度論筆記》〔A011〕p.21)

<sup>76</sup> 本發大心，不遇善緣，五蓋覆心，行雜行，得國王、大鬼神等，名敗壞菩薩。(印順法師，《大智度論筆記》〔A042〕p.80)

<sup>77</sup> 參見《十住毘婆沙論》卷 4：「是惟越致菩薩有二種；或敗壞者，或漸漸轉進得阿惟越致。問曰：所說敗壞者，其相云何？答曰：若無有志幹，好樂下劣法，深著名利養，其心不端直，悞護於他家，不信樂空法，但貴諸言說，是名敗壞相。」(大正 26, 38b18-24)

施；多惱眾生，劫奪、非法取財，以用作福。<sup>78</sup>

### 二、成就菩薩

成就菩薩者，不失阿耨多羅三藐三菩提心，慈愍眾生；或有在家受五戒者，有出家受戒者。

#### （一）在家菩薩，佛美心清淨施，以是故隨所有物而施<sup>79</sup>

在家菩薩，雖行業成就，有先世因緣貧窮，聞佛法有二種施：法施，財施；出家人多應法施，在家者多應財施。

我今以先世因緣故，不生富家，見敗菩薩輩作罪布施，心不喜樂；聞佛不讚多財布施，但美心清淨施；以是故，隨所有物而施。

#### （二）出家菩薩守護戒故，不畜財物

又出家菩薩守護戒故，不畜財物；又自思惟：「戒之功德，勝於布施。」以是因緣故，隨所有而施。<sup>80</sup>

## 參、布施的層次與染淨

### 一、何謂清淨施？何謂不淨施？

《大智度論》卷 11〈序品 1〉(CBETA, T25, no. 1509, p. 140, c28-p. 141, a19)：  
復次，施有二種：有淨，有不淨。

#### 一、不淨施

不淨施者，直施無所為<sup>81</sup>。

(1) 或有為求財故施，(2) 或愧人故施，(3) 或為嫌責<sup>82</sup>故施，(4) 或畏懼故施，  
(5) 或欲取他意故施，(6) 或畏死故施，(7) 或狂<sup>83</sup>人令喜故施，(8) 或自以富貴故應施，  
(9) 或諍勝故施，(10) 或妬瞋故施，(11) 或憍慢自高故施，(12) 或為名譽故施，  
(13) 或為呪願<sup>84</sup>故施，(14) 或解除衰求吉故施，(15) 或為聚眾故施，(16) 或輕賤不敬施。  
如是等種種，名為不淨施。

#### 二、淨施

##### （一）離諸雜染而施（十六事）

淨施者，與上相違，名為淨施。

<sup>78</sup> 退心菩薩，多惱眾生非法取財以作福。(印順法師，《大智度論筆記》[A033] p.62)

<sup>79</sup> 佛但美心清淨施。(印順法師，《大智度論筆記》[A033] p.62)

<sup>80</sup> 菩薩不問在家出家，應隨所有而施，不得作罪破戒布施。(印順法師，《大智度論筆記》[A033] p.62)

<sup>81</sup> (1) 直=愚癡【宋】【元】【明】。(大正 25, 140d, n.29)

(2) 為=分別【宋】【元】【明】。(大正 25, 140d, n.30)

<sup>82</sup> 嫌責：謂因不滿而加責備。(《漢語大詞典》(四)，p.397)

<sup>83</sup> 狂=誑【宋】【元】【明】【宮】。(大正 25, 141d, n.2)

<sup>84</sup> 咒願：「呪」為「咒」之異體。1.向天或神佛禱祝，希望順遂或表示心願。2.指唱誦願文，為施主作種種贊嘆。(《漢語大詞典》(三)，p.262)

## (二) 為道淨心而施

復次，為道故施，清淨心生，無諸結使，不求今世後世報，恭敬憐愍故，是為淨施。淨施是趣涅槃道之資糧，是故言為道故施。若未得涅槃時<sup>85</sup>施，是人天報樂之因。淨施者<sup>86</sup>，如華瓔珞，初成未壞，香潔鮮明；為涅槃淨施，得果報香，亦復如是。如佛說：「世有二人為難得：一者出家中非時解脫比丘，二者在家白衣能清淨布施。」<sup>87</sup>是淨施相，乃至無量世，世世不失，譬如券要，終無失時。是布施果，因緣和合時便有。譬如樹得時節會，便有華葉果實；若時節未至，有因而無果。

## 二、何謂世間、出世間檀；聖人稱譽、不稱譽檀；佛菩薩、聲聞檀？

《大智度論》卷 11〈序品 1〉(CBETA, T25, no. 1509, p. 142, a13-b15)：

復次，有世間檀，有出世間檀；有聖人所稱譽檀，有聖人所不稱譽檀；有佛菩薩檀，有聲聞檀。

### 一、世間檀、出世間檀<sup>88</sup>

何等世間檀？

#### 1、約有漏、無漏心辨

(1) 凡夫及聖人有漏心施為世間檀，聖人無漏心施為出世間檀

凡夫人布施，亦聖人作有漏心布施，是名世間檀。

(2) 凡夫人布施為世間檀，聖人有漏心施、無漏心施皆為出世間檀

復次，有人言：凡夫人布施，是為世間檀。聖人雖有漏心布施，以結使斷故，名出世間檀。何以故？是聖人得無作三昧<sup>89</sup>故。

#### 2、約結清淨、不清淨辨

復次，世間檀者不淨，出世間檀者清淨。

二種結使：一種屬愛，一種屬見。為二種結使所使，是為世間檀。

無此二種結使，是為出世間檀。

#### 3、約礙心、不礙心辨

<sup>85</sup> 時=是【宋】【宮】。(大正 25, 141d, n.5)

<sup>86</sup> [淨施者]—【宋】【元】【明】【宮】。(大正 25, 141d, n.6)

<sup>87</sup> 二人難得 一 出家——非時解比丘  
                   └ 在家——能清淨施 (印順法師,《大智度論筆記》[A020] p.37)

參見 Lamotte (1949, p.665, n.1) : *Āṅguttara* (《增支部》), I, p.49。

<sup>88</sup> 世間檀、出世間檀三說

|              |              |                     |
|--------------|--------------|---------------------|
| └ 一、約有漏、無漏心辨 | └ 凡夫有漏心施     | └ 世間                |
|              | └ 聖人有漏心施     | └ 一云世間，有漏心故。        |
|              |              | └ 一云出世，結使斷故，得無作三昧故。 |
|              | └ 聖人無漏心施     | └ 出世                |
| └ 二、約結淨、不淨結辨 | └ 一、結使清淨     | └ 出世                |
|              | └ 二、結使所使     | └ 世間                |
| └ 三、約礙心、不礙心辨 | └ 三、礙繫心      | └ 世間                |
|              | └ 四、心無三礙實知法相 | └ 出世                |

(印順法師,《大智度論筆記》[A020] p.37)

<sup>89</sup> 參見《大智度論》卷 5 (大正 25, 96c)。

若三礙<sup>90</sup>繫心，是為世間檀。何以故？因緣諸法，實無吾我，而言我與彼取，是故名世間檀。

復次，「我」無定處。我以為「我」<sup>91</sup>，彼以為非；彼以為「我」，我以為非。以是不定故，無實我也。

所施財者，從因緣和合有，無有一法獨可得者。如絹、如布，眾緣合故成，除絲除縷，則無絹、布；諸法亦如是，一相無相，相常自空。人作想念，計以為有，顛倒不實，是為世間檀。

心無三礙，實知法相，心不顛倒，是為出世間檀。

### 二、聖人稱譽檀、不稱譽檀<sup>92</sup>

#### 1、世間檀、出世間檀

出世間檀為聖人所稱譽，世間檀聖人所不稱譽。

#### 2、清淨不雜諸垢，如法實相；不淨雜結使、顛倒心著

復次，清淨檀，不雜結<sup>93</sup>垢，如諸法實相，是聖人所稱譽；不清淨，雜結使，顛倒心著，是聖人所不稱譽。

#### 3、實相智慧和合施、不和合

復次，實相智慧和合布施，是聖人所稱譽；若不爾者，聖人所不稱譽。

### 三、聲聞檀、佛菩薩檀<sup>94</sup>

#### 1、約為知不知實相，為不為眾生辨

復次，不為眾生，亦不為知諸法實相故施，但求脫生、老、病、死，是為聲聞檀；為一切眾生故施，亦為知諸法實相故施，是為諸佛菩薩檀。

#### 2、約具足不具足功德辨

於諸功德不能具足，但欲得少許分，是為聲聞檀；一切諸功德欲具足滿，是為諸佛菩薩檀。

#### 3、約自脫苦、為求佛道度眾生辨

畏老、病、死故施，是為聲聞檀；為助佛道，為化眾生，不畏老、病、死，是為諸佛菩薩檀。

<sup>90</sup> 三礙：執著施者、受者、所施物。若無三礙，即是三輪清淨。參見《大智度論》卷 12（大正 25，147a-b）。

<sup>91</sup> 我=彼【宋】【元】【明】【宮】。（大正 25，142d，n.4）

<sup>92</sup> 聖人稱譽、不稱譽檀三說 一、世間檀、出世間檀  
| 二、清淨不雜諸垢，如法實相；不淨雜結使、顛倒心著  
└ 三、實相智慧和合施、不和合

（印順法師，《大智度論筆記》〔A020〕p.37）

<sup>93</sup> 結=諸【宋】【元】【明】【宮】。（大正 25，142d，n.6）

<sup>94</sup> 大小檀四義三說：

一說：為知、不知實相，為、不為眾生。

二說：為脫苦、求佛道，欲具足、不具足功德。

三說：為、不為眾生，為脫苦、求佛道。（印順法師，《大智度論筆記》〔A020〕p.38）

### 三、如何於布施的同時兼斷煩惱？

《大智度論》卷 12〈序品 1〉(CBETA, T25, no. 1509, p. 152, c9-11)：

菩薩布施時，知此布施必有果報而不疑惑，能破邪見無明，是為布施生般若波羅蜜。

《大智度論》卷 11〈序品 1〉(CBETA, T25, no. 1509, p. 141, a19-c7)：

#### 一、布施離惡得善<sup>95</sup>

##### (一) 離惡一慳貪不善煩惱悉皆薄

是布施法，若以求道，能與人道。何以故？結使滅名涅槃。當布施時，諸煩惱薄故，能助涅槃。於所施物中不惜故除慳，敬念受者故除嫉妬，直心布施故除諂曲，一心布施故除調<sup>96</sup>，深思惟施故除悔，觀受者功德故除不恭敬，自攝心故除不慚，知人好功德故除不愧，不著財物故除愛，慈愍受者故除瞋，恭敬受者故除憍慢，知行善法故除無明，信有果報故除邪見，知決定有報故除疑。

如是等種種不善諸煩惱，布施時悉皆薄，種種善法悉皆得。

##### (二) 諸善法心生

###### 1、約引生定慧說

布施時六根清淨，善欲心生，善欲心生故內心清淨；觀果報功德故信心生，身心柔軟故喜樂生，喜樂生故得一心，得一心故實智慧生。如是等諸善法悉皆得。

###### 2、約生起相似三十七品說

復次，布施時心生相似八正道：信布施果故得**正見**，正見中思惟不亂故得**正思惟**，清淨說故得**正語**，淨身行故得**正業**，不求報故得**正命**，慇心施故得**正方便**，念施不廢故得**正念**，心住不散故得**正定**。如是等相似三十七品善法，心中生。

#### 二、施果

##### (一) 是三十二相因緣

復次，有人言：布施是得三十二相<sup>97</sup>因緣。所以者何？

- (1) 施時與心堅固，得**足下安立相**；
- (2) 布施時五事圍繞<sup>98</sup>，受者是眷屬業因緣故，得**足下輪相**；
- (3) 大勇猛力施故，得**足跟廣平相**；<sup>(4)</sup> 施攝人故，得**手足縵網相**；
- (5-6) 美味飲食施故，得**手足柔軟、七處滿相**<sup>99</sup>；

<sup>95</sup> 布施離惡得善 一 慳貪不善煩惱悉皆薄。

└ 諸善法生 一 一、約引生定慧說

└ 二、約生起相似三十七品說

(印順法師，《大智度論筆記》〔A019〕p.36)

<sup>96</sup> 調=掉【元】【明】。(大正 25, 141d, n.9)

<sup>97</sup> 三十二相，參見《大智度論》卷 4 (大正 25, 90a-91a)。

<sup>98</sup> 《增壹阿含經》卷 24〈32 善聚品〉(11 經)：「若檀越施主惠施之日，得五事功德。云何為五？一者施命，二者施色，三者施安，四者施力，五者施辯。」(大正 2, 681b)

《佛說食施獲五福報經》卷 1 (大正 2, 854c)。

《大智度論》卷 3：「施食時與五事：命、色、力、樂、辯。」(大正 25, 82b)

<sup>99</sup> 《十住毘婆沙論》卷 8：「手掌、足下、項上、兩腋，七處俱滿，故名七處滿相。」(大正 26,

- (7-8) 施以益命故，得長指、身不曲、大直相；
- (9-10) 施時言我當相與，施心轉增故、得足趺<sup>100</sup>高、毛上向相；
- (11) 施時受者求之，一心好聽，慇懃約勅，令必疾得故，得伊泥延<sup>101</sup>躡<sup>102</sup>相；
- (12) 不瞋不輕求者故，得臂長過膝相；<sup>(13)</sup> 如求者意施，不待言故，得陰藏相；
- (14-15) 好衣服、臥具、金銀、珍寶施故，得金色身相、薄皮相；
- (16-17) 布施令受者獨得自在用故，得一孔一毛生、眉間白毫相；
- (18-19) 求<sup>103</sup>者求之，即言當與，以是業故得上身如師子、肩圓相；
- (20-21) 病者施藥，飢渴者與飲食故，得兩腋下滿、最上味相；
- (22-23) 施時勸人行施而安慰之，開布施道故，得肉髻相、身圓如尼拘盧<sup>104</sup>相；
- (24-26) 有乞求者，意欲與時，柔軟實語，必與不虛故，得廣長舌相、梵音聲相、如迦陵毘伽鳥聲相；
- (27) 施時如實語，利益語故，得師子頰相；
- (28-29) 施時恭敬受者，心清淨故，得牙白、齒齊相；
- (30) 施時實語、和合語故，得齒密相、四十齒相；
- (31-32) 施時不瞋不著，等心視彼故，得青眼相、眼睫如牛王相。
- 是為種三十二相因緣。

## (二) 是輪王七寶因緣

復次，以七寶、人民、車乘、金銀、燈燭、房舍、香華布施故，得作轉輪王，七寶具足<sup>105</sup>。

## 肆、菩薩的布施波羅蜜

### 一、菩薩布施時，應先施何人？

《大智度論》卷 87〈次第學品 75〉(CBETA, T25, no. 1509, p. 669, a25-670, a28)：

#### 一、標舉

次第行者，四種行六波羅蜜，如經中說。

#### 二、別明

##### 1、布施

65a7-8)

<sup>100</sup> 趺(ㄉㄨㄛˋ)：1.同“跗”，腳背。(《漢語大詞典》(十)，p.431)

<sup>101</sup> 《翻譯名義集》卷 28：「伊尼延，或伊泥延，此云金色。」(大正 54，1109c1)

<sup>102</sup> 躡(ㄩㄛˋ)：同“膾”。脛骨後肉。俗稱“腿肚子”。(《漢語大字典》(六)，p.3733)

<sup>103</sup> 求=乞【宋】【元】【明】【宮】。(大正 25，141d，n.19)

<sup>104</sup> 尼拘盧：又稱尼拘盧陀，又名尼拘律陀，尼拘律樹、尼拘盧樹、尼俱陀。尼拘律陀樹，用以比喻身廣長相。梵語 nyagrodha (nyag-rodha, √rudh = ruh)，"growing downwards" the Banyan or Indian fig-tree, Ficus Indica，「向下生長」之意，即榕樹。

<sup>105</sup> 參見《長阿含經》卷 6 (6 經)《轉輪聖王修行經》：「轉輪聖王領四天下，時，王自在以法治化，人中殊特，七寶具足：一者金輪寶，二者白象寶，三者紺馬寶，四者神珠寶，五者玉女寶，六者居士寶，七者主兵寶。」(大正 1，39b5-9)

## (1) 釋意

### A、修四種正行

#### (A) 總說

自行檀，教人行檀，讚檀功德，歡喜讚行檀者，善拔慳貪根，深愛檀波羅蜜，慈悲於眾生，通達諸法實相——以此因緣故，能四種行檀波羅蜜。

#### (B) 別論

##### a、示非：不能具四種行者

或有人自行布施，不能教人布施——或畏他瞋，或畏為己教布施以之為恩<sup>106</sup>。如是等因緣故，不能教人。

或有人教人布施，自不能施；或有人種種讚歎布施之德，勸人令施而不能自行。

有人自行布施，亦教人布施、稱讚布施之德，而見人布施不能歡喜。所以者何？或有破戒惡人行施而不喜見。

有人喜見施主而不讚歎，以其邪見不識施果故。

如是，各各不能具足。

##### b、顯正：菩薩具行四事

###### (a) 大悲心、深愛善法故能行四事

菩薩大悲心、深愛善法故，能行四事，如上說。

<sup>(1)</sup> 菩薩若但自布施、不教他人，但能今世<sup>107</sup>少許利益。

<sup>(2)·(3)</sup> 是眾生隨業因緣墮貧窮處，是故菩薩教眾生言：「我不惜財物，我雖多施汝，汝亦不得持<sup>108</sup>至後世；汝今當自作，後當自得。」以布施實功德，種種因緣教眾人行施。

<sup>(4)</sup> 見行施者雖是破戒惡人，但念其好心布施之德，不念其惡，是故歡喜讚歎。

###### (b) 觀未來無盡功德故行四事

復次，見三寶無盡福田中施故，施<sup>109</sup>福不盡，必至佛道；觀其未來無盡功德故，歡喜行是四種布施，世世財富。

### B、得大財富

是菩薩雖不為財富布施，未具足阿耨多羅三藐三菩提、六波羅蜜等法，中間而財富自至；譬如人為穀故種禾<sup>110</sup>，而稟草<sup>111</sup>自至。

### C、離慳貪心，隨眾生意布施

<sup>106</sup> 恩=思【聖】。(大正 25, 669d, n.2)

<sup>107</sup> 今世=今施【宮】。(大正 25, 669d, n.4)

<sup>108</sup> 持+ (此)【聖】。(大正 25, 669d, n.5)

<sup>109</sup> [施]—【宋】【元】【明】【宮】。(大正 25, 669d, n.6)

<sup>110</sup> 禾(尸丩ノ)：1.粟。陳奐傳疏：禾者，今之小米。2.粟的植株，穀類作物。4.稻。(《漢語大詞典》(八)，p.1)

<sup>111</sup> (1) 稟：1.穀類的莖幹。(《漢語大字典(四)》，p.2625)

(2)《一切經音義》卷 26：「稟草((稟)古老反，禾幹之草也。)」(大正 54, 479b17)



**(A) 略說**

菩薩得財物報時，離慳貪心，隨眾生意布施，須食與食等。

**(B) 釋疑**

**a、布施時應先施何人**

問曰：是菩薩布施時，先施何等人？

答曰：

**(a) 第一說：由聖至凡，次第行布施**

是菩薩雖因眾生起大悲心，而菩薩布施，必先供養諸佛、大菩薩、辟支佛、阿羅漢及諸聖人。

若無聖人，次第施持戒、精進、禪定、智慧離欲人。

若無此人，施一切出家佛弟子。

若無是人，次施持五戒、行十善道，及持一日戒、三歸。

若無此人，次施中人非正非邪者。

若無此人，次施五逆惡人，及諸畜生。

不可不與，菩薩以施攝一切眾生故。

**(b) 第二說：先布施五逆罪人、貧賤、畜生等**

有人言：應先布施五逆罪人、斷善根者，貧窮、老病、下賤、乞匄<sup>112</sup>者，乃至畜生；譬如慈母，多有眾子，先念羸病，給其所須。又如菩薩為餓虎欲食子故，以身施之。

113

**(c) 論主抉擇**

問曰：如是種種，應先施何者？

答曰：

**I、眾生皆是菩薩福田，能生大悲故，等觀無分別**

一切眾生皆是菩薩福田，能生大悲故。菩薩常欲以阿耨多羅三藐三菩提施眾生，何況衣食等而有分別！

**II、約二種菩薩辨**

**(I) 得無生忍者，能平等無差別**

又菩薩得無生忍法，平等無差。

**(II) 未得無生者，或悲心多或分別心多而有別**

未得無生忍者，或慈悲心多、或分別心多，此二心不得俱行。

**悲心多者**，先施貧窮惡人，作是念：「種福田中，果報雖大，憐愍眾生故，先利貧者。」

如是田雖不良，以慈悲心，得大果報。

<sup>112</sup> 《一切經音義》卷 25：「匄，音蓋。乞匄：行求乞索也。」(大正 54，466b11)

<sup>113</sup> 本生：施餓虎。(印順法師，《大智度論筆記》[H013] p.404)

分別心多者，作是念：「諸佛有無量功德故，應先供養。」  
以分別諸法、取著佛身故心小；其心雖小，福田良故，功德亦大。

### III、結正行：慈愍眾生，又視皆如佛

若得諸法實相，入般若波羅蜜方便力中，心得自在，二事俱行——慈愍眾生，又視皆如佛。如是等，菩薩隨因緣行布施。

#### b、須食與食之辨

##### (a) 為稱受者意故

問曰：經何以不言「與衣食等」，而言「須食與食」？

答曰：有人須食與飲、須飲與衣，以不稱受者意故，福德少<sup>114</sup>，是故言「須食與食<sup>115</sup>」。

##### (b) 菩薩善觀相貌，知他心，能知眾生所須，隨意而與

問曰：有人若羞、若怖，雖有所須，不能發言，云何知其所須？

答曰：菩薩觀其相貌，隨時所須、土地所宜；或有知他心者，資生之具，隨意而與。

#### D、漸成五眾德

是人因是布施，得成戒眾；復作是念：「我憐愍眾生，以衣食布施，所益甚少；不如持戒，常以無惱、無畏施於眾生。」

菩薩住是持戒中，為守護戒故，生禪定。

心不散、清淨故，得成慧眾；無戲論、捨諸<sup>116</sup>著是慧相。

以是慧破諸煩惱縛，得解脫眾。

了了知見證解脫故，名解脫知見眾。

#### E、入菩薩位

##### (A) 行布施及五眾德，入菩薩位

是人先行布施及五眾因緣故，過聲聞、辟支佛地，入菩薩位。

##### (B) 釋疑

##### a、應行「六度」入菩薩位，云何說行「五眾」

問曰：菩薩應行六波羅蜜，入菩薩位，此中何以說「五眾」？

答曰：法雖一，以種種異名說，是故說「五眾」無咎。

是人從一波羅蜜中欲起諸波羅蜜，布施為主，已先說。<sup>117</sup>

「持戒眾」名尸波羅蜜；

「定眾」、「解脫眾」名禪波羅蜜；<sup>118</sup>

<sup>114</sup> 少+（故）【宋】【元】【明】。（大正 25，669d，n.10）

<sup>115</sup> 〔食與食〕—【宋】【元】【宮】。（大正 25，669d，n.11）

<sup>116</sup> 〔諸〕—【宋】【元】【明】【宮】。（大正 25，670d，n.1）

<sup>117</sup> 參見《大智度論》卷 45（大正 25，387c20-388a2）、卷 81（大正 25，628b22-c1）。

<sup>118</sup> 《大智度論》卷 21〈1 序品〉：「復次，念佛解脫眾具足；佛解脫諸煩惱及習根本拔故……，成就八解脫，甚深遍得故，名為具足解脫。復次，離時解脫及慧解脫故，便具足成就共解脫……，名具足解脫眾。復次，……於諸禪定入出自在無礙故。」（大正 25，220c29-221a15）

「慧眾」、「解脫知見眾」是般若波羅蜜；<sup>119</sup>  
行諸波羅蜜時，能忍諸惡事，是名屬提波羅蜜；  
能起諸波羅蜜，不休不息，是名毘梨耶波羅蜜。

#### **b、何以不但說諸波羅蜜而說五眾**

問曰：若爾者，何以不但說諸波羅蜜名而說「五眾」？

答曰：是人欲入菩薩位，此中不但以持戒、禪定得，和合眾戒、清淨戒、無盡戒。  
以要言之，攝一切戒名為「戒眾」；能破煩惱，過二乘，入菩薩位。譬如一人、  
二人，不名為軍；和合多人，乃成為軍，能破怨敵。餘眾亦如是。

#### **F、嚴土熟生，成佛，轉法輪，以三乘法度眾生**

菩薩自得禪定等眾，亦令眾生得，是名菩薩教化眾生；  
教化眾生已，持自功德及眾生功德，盡迴向淨佛國<sup>120</sup>。  
具此二法，即得一切種智，轉法輪，以三乘法度眾生。

#### **(2) 結**

是名「菩薩次第行、次第學、次第道」。  
先麤後細、先易後難，漸漸習學，名為「次第」。

#### **2、例餘五度**

餘五波羅蜜，亦應隨義分別。

#### **3、法性雖空無所有，為破顛倒故隨世諦行**

諸法性雖無所有，而隨世諦行，為破顛倒故。

## 二、何謂布施時「三輪體空」？

《大智度論》卷 29〈序品 1〉(CBETA, T25, no. 1509, p. 271, c7-p. 272, a8)：

#### **一、少施，般若波羅蜜方便迴向故，福德無量**

##### **(1) 如薄拘羅阿羅漢等亦少施而得大報，何用般若波羅蜜**

問曰：如薄拘羅阿羅漢等，亦少施而得大報，何用般若波羅蜜？

答曰：薄拘羅等雖得果報，有劫數限量，得小道入涅槃；菩薩以般若波羅蜜方便迴向  
故，少施，福德無量無邊阿僧祇。

##### **(2) 何等是「方便迴向」<sup>121</sup>**

<sup>119</sup> 《大品經義疏》：「五分身、六度相攝者，尸羅攝戒身，〔禪定〕<sup>\*1</sup>攝解脫身及定身，般若攝慧身及解脫智見。而解脫身應入般若，般若斷或<sup>\*2</sup>云何屬定身？答（云云）竟。論禪定是功德藪<sup>\*3</sup>林，故解脫攝屬也。」（卍新續藏 24，328c20-23）

※1 案：「攝解脫身及定身」之前疑脫漏「禪定」二字，今依文義補上。

※2 案：「或」或作「惑」。或：11.通“惑”。（《漢語大詞典》（五），p.213）

※3 案：藪（ㄔㄨㄛˋㄌㄨˋ）：同“叢”。（《漢語大詞典》（九），p.588）

<sup>120</sup> 國+（土）【宋】【元】【明】【宮】。（大正 25，670d，n.3）

<sup>121</sup> 方便回向：為無上菩提故，為度一切眾生故，以大慈悲心故，實相智慧（達三輪空）和合故，

問曰：何等是「方便迴向」，以少布施而得無量無邊功德？

答曰：

**A、為無上菩提故**

雖少布施，皆迴向阿耨多羅三藐三菩提。菩薩作是念：「我以是福德因緣，不求人天中王及世間之樂，但求阿耨多羅三藐三菩提。」

如阿耨多羅三藐三菩提無量無邊，是福德亦無量無邊。

**B、為度一切眾生故**

又以是福德為度一切眾生，如眾生無量無邊故，是福德亦無量無邊。

**C、以大慈悲心故**

復次，是福德用大慈悲，大慈悲無量無邊故，是福德亦無量無邊。

**D、實相智慧（達三輪空）和合故**

復次，菩薩福德諸法實相和合故，三分清淨：受者、與者、財物不可得故。如《般若波羅蜜》初為舍利弗說：「菩薩布施時，與者、受者、財物不可得故，具足般若波羅蜜。」<sup>122</sup>用是實相智慧布施故，得無量無邊福德。

**E、念如、法性、實際相故，布施等——福德無量**

復次，菩薩皆念所有福德如相<sup>123</sup>、法性相、實際相故，以如、法性、實際無量無邊故，是福德亦無量無邊。

**二、觀諸法實相是無為滅相，云何更生心而作福德**

問曰：若菩薩摩訶薩觀諸法實相，知如、法性、實際，是無為滅相，云何更生心而作福德？

答曰：

**(1) 以精進助大悲心，還行福德業因緣**

菩薩久習大悲心故，大悲心<sup>124</sup>爾時發起：「眾生不知是諸法實相，當令得是實相。」以精進波羅蜜力故，還行福德業因緣，以精進波羅蜜助大悲心；譬如火欲滅，遇得風、薪，火則<sup>125</sup>然熾。

**(2) 自念本願，亦諸佛勸發令集諸功德**

復次，念本願故，亦十方佛來語言：「汝念初發心時！又汝始得是一法門，如有無量法門，汝未皆得，當還集諸功德！」<sup>126</sup>如《漸<sup>127</sup>備經》七地中說。<sup>128</sup>

---

念如、法性、實際相故，布施等——福德無量。(印順法師，《大智度論筆記》[A044] p.82)

<sup>122</sup> 參見《摩訶般若波羅蜜經》卷1：「佛告舍利弗：菩薩摩訶薩以不住法住般若波羅蜜中，以無所捨法應具足檀那波羅蜜，施者、受者及財物不可得故。」(大正8，218c21-24)

<sup>123</sup> 相=想【宋】【宮】。(大正25，271d，n.24)

<sup>124</sup> [心]—【宋】【元】【明】【宮】【石】。(大正25，272d，n.1)

<sup>125</sup> 則=即【石】。(大正25，272d，n.2)

<sup>126</sup> 諸佛勸發令集諸功德。(印順法師，《大智度論筆記》[A042] p.80)

<sup>127</sup> 《大正藏》原作「慚」，今依《高麗藏》作「漸」(第14冊，669c4)。

<sup>128</sup> 參見《漸備一切智德經》卷4(大正10，479a14-b29)；《十住經》卷3(大正10，520c10-521b6)；《大智度論》卷10(大正25，132a18-b4)，卷48(大正25，405c-406a)，卷50(大正25，418a)。

《大智度論》卷 12〈序品 1〉(CBETA, T25, no. 1509, p. 147, b5-150, a17)：

**釋「三事不可得」**

**(壹) 施物不可得**

問曰：三事和合，故名為檀；<sup>129</sup>今言三事不可得，云何名「檀波羅蜜具足滿」？今有財、有施、有受者，云何三事不可得？如所施疊<sup>130</sup>實有。……

答曰：

**一、但名無實：破「有名故有實」<sup>131</sup>**

汝言有名故有，是事不然。何以知之？名有二種：有實、有不實。……

**二、心生有二因緣，有從實而生，有從不實（水月・龜毛）而生：破「心生有便是有」<sup>132</sup>**

疊能生人心念因緣，得之便喜，失之便憂，是為念因緣。心生有二因緣：有從實而生，有從不實而生。……

**三、三種有：相待有、假名有、法有**

復次，「有」，有三種：一者、相待有，二者、假名有，三者、法有。<sup>133</sup>……

如是種種因緣財物空，決定不可得。

**(貳) 施者不可得**

**一、云何施者不可得<sup>134</sup>**

云何施人不可得？

**(一) 六大成身，析不可得故**

如疊因緣和合故有，分分推之，疊不可得。施者亦如是，四大圍虛空，名為身，是身識動作來往坐起，假名為人。分分求之，亦不可得。

**(二) 眾界人中無有我故**

復次，一切眾、界、人中，我不可得，我不可得故，施人不可得。何以故？

我，有種種名字：人、天、男、女，施人、受人，受苦人、受樂人，畜生等；是但有名，而實法不可得。……

**(三) 破「若無我，誰受罪福誰得解脫難」**

又汝言：「今現在人識新新生滅，身命斷時亦盡，諸行罪福，誰隨誰受？誰受苦樂？誰解脫者？」

**答難**

<sup>129</sup> 參見《大智度論》卷 11（大正 25，140c）。

<sup>130</sup> 疊（*フ一セノ*）：7.指帛疊。用棉紗織成的布。（《漢語大詞典》（七），p.1411）

<sup>131</sup> 但名無實：不實名無實，實名無實。（印順法師，《大智度論筆記》〔C017〕p.215）

<sup>132</sup> 心生有二因緣，有從實而生，有從不實（水月・龜毛）而生。（印順法師，《大智度論筆記》〔D002〕p.239）

<sup>133</sup> 三種有：相待有、假名有、法有。（印順法師，《大智度論筆記》〔C017〕p.215）

三有：相待有，但名無實。假名有，有不同因緣法，無不如兔角等。法有，如極微等。

（印順法師，《大智度論筆記》〔D021〕p.266）

另參見印順法師，《空之探究》，p.236；《印度佛教思想史》，p.235；《性空學探源》，p.243。

<sup>134</sup> 破我：六大成身析不可得。眾界人中無有我故，六識相應所不得故。（印順法師，《大智度論筆記》〔D001〕p.237）

**1、有身、有漏業、有結使，三事故後身生；結使斷時，雖有殘身、殘業，可得解脫**<sup>135</sup>

今當答汝：今未得實道，是人諸煩惱覆心，作生因緣業，死時從此五陰相續<sup>136</sup>生五陰。譬如一燈，更然一燈。又如穀生，有三因緣：地、水、種子。

後世身生，亦如是。有身，有<sup>137</sup>有漏業，有結使，三事故後身生。

是中身、業因緣，不可斷、不可破，但諸結使可斷。<sup>138</sup>結使斷時，雖有殘身、殘業，可得解脫。

如有穀子、有地，無水故不生。如是雖有身、有業，無愛結水潤則不生。是名雖無神，亦名得解脫。無明故縛，智慧故解，則我無所用。

**2、名色和合假名為人，雖無一法為人，名色受罪福，而人受其名**

復次，是名色和合，假名為人。是人為諸結所繫，得無漏智慧爪，解此諸結，是時，名人得解脫。

如繩結、繩解，繩即是結，結無異法，世界中說結繩、解繩。

名色亦如是，名色二法和合，假名為人。是結使與名色不異，但名為名色結、名色解。

受罪福亦如是，雖無一法為人實<sup>139</sup>，名色故受罪福果，而人得名。

譬如車載物，一一推之，竟無車實，然車受載物之名。

人受罪福亦如是，名色受罪福，而人受其名。受苦樂亦如是。

如是種種因緣，神不可得。

**(叁) 受者不可得**

神即是施者，受者亦如是。汝以神為人，以是故，施人不可得，受人不可得亦如是。

**(肆) 總結：財物、施者、受者三事不可得**

如是種種因緣，是名財物、施人、受人不可得。

《大智度論》卷 46〈摩訶衍品 18〉(CBETA, T25, no. 1509, p. 395, a12-b18)：

**一、五相攝檀波羅蜜**

問曰：檀波羅蜜有種種相，此中佛何以但說五相，所謂「<sup>(1)</sup>用薩婆若相應心，<sup>(2)</sup>捨內、外物，<sup>(3)</sup>是福共一切眾生，<sup>(4)</sup>迴向阿耨多羅三藐三菩提，<sup>(5)</sup>用無所得故」？何以不說「大慈悲心，供養諸佛，及神通、布施」等？

<sup>135</sup> 生死連繫及解脫：

一、煩惱覆心作生因緣業，死時次第相續五陰生，譬如一燈更然一燈。有身有漏業有結使三事故後身生。身業因緣不可斷破，但結使可斷，結使斷時，雖有殘身殘業可得解脫。無明故縛，智慧故解。

二、名色和合假名為人。是人為結使所繫，得無漏慧解此結，名人得解脫。如繩結繩解，繩即是結，結無異法，世界中說結繩解繩。名色亦爾，結使與名色不異，但名色結名色解。

雖無一法為人，空名色故受罪福而人得名。(印順法師，《大智度論筆記》[ D012 ] p.255)

<sup>136</sup> 從此五陰相續＝次第相續五陰【宋】【元】【明】【宮】【石】。(大正 25, 149d, n.16)

<sup>137</sup> 〔有〕－【宋】【元】【明】【宮】【石】。(大正 25, 149d, n.20)

<sup>138</sup> 三障：辨可斷不可斷。(印順法師，《大智度論筆記》[ C013 ] p.207)

<sup>139</sup> 實＝空【宋】【元】【明】【宮】【石】。(大正 25, 150d, n.3)

答曰：是五種相中，攝一切布施。<sup>140</sup>

(1)「相應薩婆若心布施」者，此緣佛道、依佛道。

(2)「捨內外」者，則捨一切諸煩惱。

(3)「共眾生」者，則是大悲心。

(4)「迴向」者，以此布施，但求佛道，不求餘報。

(5)「用無所得故」者，得諸法實相般若波羅蜜氣分故，檀波羅蜜非誑非倒，亦無窮盡。

## 二、後四相為顯初義說

問曰：若爾者，則不須五種相，但說「薩婆若相應心」則足！

答曰：此事可爾！但以眾生不知云何應薩婆若心布施義故，是故以四事分別其義。

## 三、釋五相

### (一)釋「應薩婆若心」

「應薩婆若心」者，以菩薩心求佛薩婆若，作緣、作念、繫心。持是布施，欲得薩婆若果，不求今世因緣名聞恩分等，亦不求後世轉輪聖王、天王富貴處；為度眾生故，不求涅槃，但欲具一切智等諸佛法，為盡一切眾生苦故，是名「應薩婆若心」。

### (二)釋「內外物」

「內外物」者，「內」名頭、腦、骨、髓、血、肉等，難捨故在初說；

「外物」者，國土、妻、子、七寶、飲食等。

### (三)釋「共一切眾生」

「共一切眾生」者，是布施福德果報，與一切眾生共用；譬如大家種穀，與人共食。菩薩福德果報，一切眾生皆來依附；譬如好菓樹，眾鳥歸集。

### (四)釋「迴向」

「迴向」者，是福德邊，不求餘報，但求阿耨多羅三藐三菩提。

### ※ 因論生論：「應薩婆若心」與「迴向」有何異

問曰：先言應薩婆若心，後言迴向，有何等異？

答曰：應薩婆若心為起諸福德因緣；迴向者，不求餘報，但求佛道。

復次，薩婆若相應心為應阿耨多羅三藐三菩提故施，如先義說：「薩婆若為主，一切功德皆為薩婆若。」<sup>141</sup>

讚佛智慧有二種：一者、無上正智名「阿耨多羅三藐三菩提」，二者、一切種智名「薩婆若」。<sup>142</sup>

<sup>140</sup> 五相攝檀波羅密 ┌ 應薩婆若心……起施因緣  
├ 內外所有布施  
├ 共一切眾生（大悲）  
├ 回向無上覺……是施福果  
└ 用無所得 (印順法師，《大智度論筆記》〔B012〕p.129)

<sup>141</sup> 參見《大智度論》卷 11（大正 25，140a23-153a23）、卷 22（大正 25，226c1-227b22）、卷 29（大正 25，271a-b，272b29-c5）。

<sup>142</sup> 佛慧二種 ┌ 無上正智  
└ 一切種智 (印順法師，《大智度論筆記》〔B012〕p.129)

### （五）釋「用無所得」

「用無所得」者，以般若波羅蜜心布施，順諸法實相而不虛誑。如是等說檀波羅蜜義。

## 三、行布施波羅蜜時，如何生六波羅蜜？

《大智度論》卷 81〈六度相攝品 68〉(CBETA, T25, no. 1509, p. 630, c4-28)：

### 一、依人法二空，行財法二施

#### 1、財施

##### （1）眾生空故，施佛與施眾生平等無異

若得財物布施二種眾生：若施佛，若施眾生。  
以眾生空故，其心平等，不貴著諸佛、不輕賤眾生。  
若施貧賤人，輕賤故，福少；若施諸佛，貪著故，福不具足。

##### （2）法空故，施寶物與施草木平等無異

若以金銀寶物及施草木，以法空故，亦等無異。

##### （3）結說

斷諸分別一異等諸妄想，入不二<sup>143</sup>法門布施，是名財施。

#### 2、法施

##### （1）不分別有智者、無智者

法施亦如是，不貪貴有智能受法者，不輕無智不解法者。所以者何？佛法無量，不可說、不可思議故。

##### （2）不分別淺法、深法

若說布施等淺法，及說十二因緣、空、無相、無作——空、無相、無作等諸甚深法，等無異。何以故？是法皆入寂滅不戲論法中故。<sup>144</sup>

#### 3、結

如是等名「般若生布施」。

### 二、於諸佛及弟子所修行功德隨喜迴向，以慧力盡施

復次，是菩薩於十方三世諸佛及弟子所修三種功德<sup>145</sup>隨喜，皆與一切眾生共之，迴向阿

<sup>143</sup> 二+（入）【宋】【元】【明】【宮】。（大正 25，630d，n.19）

<sup>144</sup> 說布施等，皆入寂滅法中。（印順法師，《大智度論筆記》〔E023〕p.322）

<sup>145</sup> 三種功德：

（1）《大智度論》卷 61〈39 隨喜迴向品〉（大正 25，487a19-b3）：

【經】爾時，慧命須菩提白彌勒菩薩言：「諸菩薩摩訶薩念十方無量無邊阿僧祇世界中，無量無邊阿僧祇諸滅度佛——是佛從初發心至得阿耨多羅三藐三菩提，乃至入無餘涅槃，乃至法盡——於其中間諸善根，應六波羅蜜；及諸聲聞人善根——若布施福德、持戒福德、修定福德，及諸學人無漏善根、無學人無漏善根，諸佛戒眾、定眾、慧眾、解脫眾、解脫知見眾、一切智、大慈大悲及餘無量阿僧祇諸佛法；及諸佛所說法——是法中學，得須陀洹果乃至得阿羅漢果、辟支佛道，入菩薩摩訶薩位；及餘眾生種諸善根——是諸善根，一切和合，隨喜福德，迴向阿耨多羅三藐三菩提，最上、第一、最妙、無上、無與等者！」



耨多羅三藐三菩提；智慧力故，無所不施，能與眾生福德分。

### 三、依施滅諸煩惱，觀空趣佛道

復有菩薩若布施時，生種種好心，拔出慳貪根本而行布施。慈心施故，滅諸瞋恚；見受者得樂，歡喜故，滅嫉妬心；恭敬心施受者故，破憍慢；了了信知布施果報故，破疑及無明；不得與者、受者定實故，破有無等餘邪見。

觀受者如佛，觀物如阿耨多羅三藐三菩提相，觀己身從本已來畢竟空。

若如是布施，不虛誑故，直至阿耨多羅三藐三菩提。

### 四、結義

如是等相，名「般若波羅蜜生檀波羅蜜」。

《大智度論》卷 81〈六度相攝品 68〉(CBETA, T25, no. 1509, p. 631, a28-b13)：

#### 一、總說一念中行六度

復次，是菩薩於無量劫為佛道故種善根，離欲故於諸禪定得自在，深入如、法性、實際；精進、方便、慈悲力故，出於甚深法，還修功德。

是人勝<sup>146</sup>伏其心，一念中能行六波羅蜜，所謂——

#### 二、別辨：施度攝六度

菩薩布施時，如法捨財，是為檀波羅蜜；

安住十善道中布施，不向二乘，是為尸羅波羅蜜；

若慳貪等諸煩惱及魔人民來，不能動心，是名羼提波羅蜜；

(2)《大智度論》卷 61〈39 隨喜迴向品〉(大正 25, 488b13-c11)：

- 1、須菩提問彌勒「若菩薩摩訶薩憶念過去十方無量無邊阿僧祇世界中，諸滅度佛」者，是菩薩欲起隨喜福德，佛是福德主，是故念佛；聞經書說，有過去佛名，故因是名廣念一切過去諸佛。「從初發心」者，初發心作願：「我當度一切眾生。」是心相應三善根——不貪、不瞋、不癡；善根相應諸善法，及善根所起身、心、口業——和合是法，名為「福德」。從初發心，行六波羅蜜，入菩薩位，得十地，乃至坐道場——是中菩薩自修福德和合得佛道。乃至入無餘涅槃滅度後，舍利及遺法，皆是佛自身功德和合。
- 2、因諸佛，大乘人行六波羅蜜相應福德——「相應」者，除六波羅蜜，餘菩薩所行法皆攝入六波羅蜜中，故說「應六波羅蜜和合」。「若求聲聞、辟支佛人，種布施、持戒、修定等福德。」「聲聞、辟支佛人」有二種：一者、漏盡，名為「無學」；二者、得道，漏未盡，名為「學」。是二人諸福德中善根勝，故但說「善根」。上言「求二乘人」者，總凡夫、聖人；今「學、無學」，純是聖人。相好是無記色法，非是善功德，故但說「佛五無學眾」。大慈大悲、佛法義，如初品中說。
- 3、「諸佛所說法——學是法得須陀洹果，乃至入菩薩位」者，是佛滅度後，遺法中得道，是故重說。
- 4、「及餘眾生種諸善根」者，此是佛在世及遺法中，天、人乃至畜生種福德因緣。是上四段福德，行者心遍緣、憶念、隨喜，求佛道故迴向，名無上隨喜，最上、無與等。

(3)《大智度論》卷 61〈39 隨喜迴向品〉(大正 25, 491a15-17)：

「過去諸佛及弟子所作功德」者，佛弟子有三種：菩薩、辟支佛、聲聞。

<sup>146</sup> 勝=降【宮】【聖】。(大正 25, 631d, n.12)

布施時<sup>147</sup>，身心精進、不休不息，是名**精進波羅蜜**；  
攝心在布施，不令散亂，無疑無悔，正向阿耨多羅三藐三菩提，是名**禪波羅蜜**；  
布施時，與者、受者、財物不可得，不如邪見取相、妄見一定相；如諸佛賢聖觀物相——  
受者、與者<sup>148</sup>及迴向處相。法施時亦如是——是名**般若波羅蜜**。

《大智度論》卷 80〈六度相攝品 68〉(CBETA, T25, no. 1509, p. 624, a13-624, b21)：

#### **布施攝餘五度**

##### **(壹) 布施攝戒**

###### **一、標宗：布施時得慈心，能起慈身口業**

有菩薩摩訶薩深行檀波羅蜜，安住檀波羅蜜中，布施眾生時得慈心，從慈能起慈身口業。是時菩薩即**取尸羅波羅蜜**。

###### **二、釋因由：慈業是三善道，戒度之根本**

何以故？慈業是三善道，尸羅波羅蜜根本——所謂不貪、不瞋、正見。是三慈業能生三種身業、四種口業。

「慈」即是善業，為利益眾生故名為「慈」。

##### **(貳) 布施攝忍**

「取羸提波羅蜜」者，

###### **一、菩薩行施而受者起瞋**

菩薩為一切智慧故布施，受者瞋。

若施主唱言：「我能一切施。」

受者不得稱意<sup>149</sup>，便作是言：「誰使汝請我而不隨我意？」

「瞋」者，是心惡業；「罵」者，是口惡業；「打害」者，是身惡業。<sup>150</sup>

瞋有上、中、下——上者，害殺；中者，罵詈；下者，心瞋。<sup>151</sup>

###### **二、菩薩正念不生瞋**

爾時，菩薩不生三種惡業。意業是根本故，但說意業。作是念：「是我之罪，我請彼人而不能得稱意；由我薄福，不能具足施與；我若瞋者，既失財物，又失福德，是故不應瞋。」

##### **(參) 布施攝勤**

<sup>147</sup> 時 + (戒)【石】。(大正 25, 631d, n.13)

<sup>148</sup> 者 + (相)【元】【明】。(大正 25, 631d, n.14)

<sup>149</sup> 稱 (彳亍、) 意：合乎心意。(《漢語大詞典》(八)，p.117)

<sup>150</sup> 「瞋——意

瞋起三業 | 罵——口

「打——身 (印順法師，《大智度論筆記》[ B031 ] p.175)

<sup>151</sup> 「上，殺害

瞋有三品 | 中，罵詈

「下，心瞋 (印順法師，《大智度論筆記》[ B031 ] p.175)

「取毘梨耶波羅蜜」者，  
若菩薩布施時，受者打害，心不沒不捨。  
布施，如先說。<sup>152</sup>

為布施故，身、心勤精進，作是念：「我先世不強意布施故，今不能得稱受者意；但當勤布施，不應計餘小事。」

#### 〔肆〕布施攝禪

「取禪波羅蜜」者，菩薩布施不求今世福樂，亦不求後世轉輪聖王、天王、人王，亦不求世間禪定樂；為眾生故，不求涅槃樂；但攝是諸意在一一切種智中，不令散亂。

#### 〔伍〕布施攝慧

##### 一、觀有為法如幻如夢

「取般若波羅蜜」者，菩薩布施時，常觀一切有為作法虛誑不堅固、如幻、如夢。

##### 二、布施時不見有益或無益

###### 〔一〕標舉

施眾生時，不見有益、無益。

###### 〔二〕釋因由

何以故？

###### 1、布施物非定是樂因緣

是布施物非定是樂因緣——或時得食，腹脹而死；或時得財，為賊所害；亦以得財物故生慳貪心，而墮餓鬼中。

###### 2、財物是有為法，生滅無常，生苦因緣

又此財物有為相故，念念生滅無常，生苦因緣。

###### 3、諸法畢竟空故，不分別有利、無利

復次，此財物入諸法實相畢竟空中，不分別有利、無利，是故菩薩於受者不求恩分，於布施不望果報；設求報<sup>153</sup>，若彼不報，則生怨恨。

菩薩作是念：「諸法畢竟空故，我無所與；若求果報，當求畢竟空阿耨多羅三藐三菩提，如布施相。」是故不見有益，以畢竟空故；亦不見無益。

#### 〔陸〕結

如是，於檀波羅蜜邊，取五波羅蜜。

<sup>152</sup> 參見《大智度論》卷 11-卷 12（大正 25，140c15-153a23）。

<sup>153</sup> 報+（者）【宋】【元】【明】【宮】。（大正 25，624d，n.4）